



**Rabu, 17 Pebruari 2021**  
**Ogen: Jeremia 47: 1-7**



Lantai Ergegeh



Peristiwa longsor si jadi wari Senin, 18 Januari 2021 i Cimanggung, Jawa Barat, 36 kalak jadi korbanna (meninggal dunia). Ope denga jadi longsor, situhuna warga pe enggo ipersingeti guna waspada sebab curah udan tinggi. Terlebih, secara tata ruang guna pemukiman daerah e labo memenuhi syarat. Longsor si jadi e labo longsoren biasa, tapi longsoren kompleks si memungkinan lit denga longSORan susulen. Daerah si enggo pernah longsor mahan bana tanah e enggo longgar jadi lit kemungkinan arah jalur si e ka longsor susulen e jadi.

Banci sibayangken situasi kalak si ngidah langsung alu matana jine longsor encedai rumah ras erta bendana, malah ngancam keselamatan anak-anak ras ndeharana, tentuna panik, serko mindo penampat, lanai iakap ergegeh tan ras nahe ban lanai eteh apai leben si arus idalanken, apai leben si man selamatanken.

Pernah Dibata ngerana kerna kai si ateNa ilakokenNa man Pilisti. Tuhu-tuhu kengerin si jadi adina Dibata tuhu-tuhu enggo ersura guna ngkernepen. Nina Tuhan, Nehenlah! Mulsak me lau belin i utara nari, jenari ergalun desken sada lau belin banjir. ilembana kerina negeri ras kerina si lit i je. Serko me ia kerina mindo penampat, nderkuh ia la erngadi-ngadi, begina me sora gereta erderak, sora roda erdengik. Perbapan si nampati anakna pe atena lanai ergegeh (ay. 2-3). Kerina kengerin e la ngadi-ngadi sebab Tuhan kap sinuruhsa (ay. 7). kerina rakyat Pilisti lanai ergegeh, kalak Gasa pe kernep, bangsa-bangsa si lit isekelewetna pe kerina radas. Ise pe langusp nampati adi Tuhan enggo nehken rawaNa. Lalit si ngasup ngolangisa, la lit si ngasup ngelawansa. Kerina bangsa lanai ergegeh.

Kita la ergegeh lenga tentu ban bangger dagingta, tapi ipengaruhi kote pe perukurenta ras kinitekenta. La si bahan Dibata ulu gegehta. Si darami gegeh i bas kalak siniakap kita mbisa, entah gegehta jine si penalem, la kita rembak ras Dibata. Emaka la kita ngasup ngukurken si mehuli, si mbangun semangat dirinta i tengah-tengah kelemahenta. Banci jadi mberat perbebenta si mahanca kita kote, janah lupa ka kita kita erpengendes man Tuhan. E maka mari sisiksiki dirinta sendah, pernah nge kita nundalken ras ngelupakan Tuhan? Kita labo ergegeh, pindo gegeh man Tuhan!